



partii naleraq

Nuuk, Septsip 27-t 2017.

UKA 2017/104

Uunga siunnersuut: Piginneqatigiilluni inissiat pillugit Inatsisartut inatsisaat nr. xx, xx. xxx 2017-imeersoq

(Kommuninut, Nunaqarfinnut, Isorliunerusunut, Attaveqatigiinnermut Ineqarnermullu Naalakkersuisoq)

Naalakkersuisut sinnerlugit una piginneqatigiilluni inisiaqartitsineq pillugu nutarternera imatut partii Naleqqamiit naatsumik oqaaseqarfigissavarput.

Siullermik maluginiagassaavoq tusarniaasimanermi oqariartuutit tunaartaralugit uuma siunnersuutip siunertamisut sunniuteqarnissaa taamaattoq. Piginneqatigiilluni inissiaqarnerup annertusarnissaa kajuminnarnerulernissaa, uani ineqarneq pillugu aaqqissuusseqqinnermut atatillugu, ilaatigut piumasaaqatit annikillisarneratigut.

Naggataatigulli manna ilanngullugu taarusupparput - Aaqqissuusseqqinnermili aamma eqqaamasariaqakkatta ilagaat massakut illoqarfiit bankimiit (nunasiaateqarnerup aqqani kisermaassiniarpalaavilluni) ineriartortfittut aalajangernikuusaata sisamaasut avataani piginneqatigiilluni initaarniarneq, namminerluunniit illutaarusukkaanni periarfissat ajornerullutik allarluinnaammata, taamaattumik avaqqussinnaangilarput uagut qinikkat pisussaaffeqaratta nuna tamakkerlugu sapinngisamik assigiimmik periarfissaqartitsissussaagatta, massakut killiffik akuersaarneqarsinnaangilaq allangortariaqarlunilu nammineq pigisatsinnik aningaaseriviliornikkut, tamakku ilanngullugit pisussaaffeqartumik, tuaviornerpaamik.

Immitsinummi taamatut paarnaruttuusilluta alloriaqqissinnaannginnerput ilaatigut tunngaveqarpoq nunatsinni namminerisatsinnik aningaasaqarnermut sectoreqannginnatta – sectori taamaattoq makkuninnga imaqartarpoq: aningaaseriveqarneq, sillimmasiisarfeqarneq, utoqqalinersiaqarnermut aningaasaateqarfeqarneq aammalu pappialat nalilinnik peqarneq. Taamaasiulerutta aatsaat soorlu aningaasaateqarfiit SISA-kutut ittut nunatsinni aningaasanik sulilersitsinissaminnut periarfissaginnerulertussaammata. Taamaattumik pisussaaffeqarpugut sectori taamaattoq nunatsinni pilersissallugu.



partii naleraq

Taamaatut annertunerusumik oqaaseqarfiginagu, qulaanili taasariaqartut pingaaruteqarluinnartut taariarlugit, tungitsinniit tamakkiisumik taperserparput aappassaaneerneqannginnerminilu sanaartornermut ataatsimiititaliamut suliarineqarnissaa innersuussutigalugu.

Qujanaq

Per Rosing-Petersen